



**DEDDF TRWYDDEDU 2003
TRWYDDED SAFLE**

Cyngor Sir **Ceredigion** County Council



ydded safle

PRM 0748 (12/02/ 2019)

- Manylion y safle

Cyfeiriad post y safle, neu os nad oes un, cyfeirnod map ordnans neu ddisgrifiad

**SAPHAN THAI
40 STRYD Y BONT**

**Tref bost
ABERYSTWYTH**

**Cod Post
SY23 1QB**

Rhif ffôn

Os oes cyfyngiad ar yr amser, y dyddiadau

Dim cyfyngiad amser

Gweithgareddau trwyddedadwy a ganiateir gan y drwydded

GWERTHU ALCOHOL, AR Y SAFLE'N UNIG

Yr amseroedd y mae'r drwydded yn caniatáu cynnal gweithgareddau trwyddedadwy

LLUN I SUL – 12 CANOL DYDD - 23.00

AMSERAU ANSAFONOL

NOS CALAN HYD 01.30

Oriau agor y safle

LLUN I SUL – 12 CANOL DYDD – 23.30

NOS CALAN HYD 01.30

Os yw'r drwydded yn caniatáu cyflenwi alcohol, a yw hyn yn golygu ar gyfer yfed ar y safle neu oddi yno

GWERTHU AR Y SAFLE'N UNIG

Enw, cyfeiriad (cofrestrdig), rhif ffôn ac e-bost (os yw'n berthnasol) deilydd y drwydded safle

**JOHN GLYN EDWARDS
UMARIN EDWARDS**

Rhif cofrestredig y deilydd, er enghraifft rhif cwmni, rhif elusen (os yw'n berthnasol)

Enw, cyfeiriad a rhif ffôn Goruchwyliwr Safle dynodedig os yw'r drwydded safle yn caniatáu cyflenwi alcohol

JOHN GLYN EDWARDS

Rhif trwydded bersonol ac enw'r awdurdod sy'n rhoi'r drwydded bersonol a ddelir gan y Goruchwyliwr Safle dynodedig os yw'r drwydded safle yn caniatáu cyflenwi alcohol

KMCPL4254 KIRKLESS COUNCIL

1 Amodau gorfodol pan fydd trwydded yn awdurdodi cyflenwi alcohol

(1) Pan fydd trwydded safle'n awdurdodi cyflenwi alcohol, rhaid i'r drwydded gynnwys yr amodau canlynol.

(2) Yr amod cyntaf yw na ellir cyflenwi alcohol dan y drwydded safle-

(a) ar adeg pan nad oes yna oruchwyliwr safle dynodedig yn unol â'r drwydded safle, neu

(b) ar adeg pan nad oes gan y goruchwyliwr safle dynodedig drwydded bersonol neu pan fydd ei drwydded bersonol wedi'i hatal.

(3) Yr ail amod yw bod unrhyw alcohol a gyflenwir dan y drwydded safle'n gorfod cael ei gyflenwi neu'i awdurdodi gan berson sydd â thrwydded bersonol.

2 Amod gorfodol: dangos ffilmiau

(1) Pan fydd trwydded safle'n awdurdodi dangos ffilmiau, rhaid i'r drwydded gynnwys amod bod mynediad i blant pan fydd unrhyw ffilm yn cael ei dangos yn cael ei gyfyngu yn unol â'r adran hon.

(2) Pan fydd y corff categoraiddio ffilmiau'n cael ei nodi yn y drwydded, oni bai bod is-adran (3)(b) yn berthnasol, rhaid cyfyngu mynediad i blant yn unol ag unrhyw argymhelliad a wneir gan y corff hwnnw.

(3) (a) pan nad yw'r corff categoraiddio ffilmiau wedi'i nodi yn y drwydded, neu

(b) pan fydd yr awdurdod trwyddedu wedi hysbysu deiliad y drwydded bod yr is-adran hon yn berthnasol i'r ffilm dan sylw, dylid cyfyngu mynediad i blant yn unol ag unrhyw argymhelliad a wneir gan yr awdurdod trwyddedu hwnnw.

(4) Yn yr adran hon -

Mae "plant" yn golygu pobl dan 18 oed; ac mae

"corff categoraiddio ffilmiau" yn golygu'r person neu'r personau a ddynodwyd fel yr awdurdod dan adran 4 o Ddeddf Recordiadau Fideo 1984 (c.39) (yr awdurdod sy'n pennu addasrwydd ffilmiau fideo ar gyfer categoraiddio).

3 Amod gorfodol: goruchwyllo drysau

(1) Pan fydd trwydded safle'n cynnwys amod bod yn rhaid i un berson neu ragor fod ar yr eiddo ar adegau penodol i gwblhau gweithgaredd diogelwch, rhaid i'r drwydded gynnwys amod bod yn rhaid i unrhyw berson o'r fath feddu ar drwydded Awdurdod y Diwydiant Diogelwch.

(2) Ond does dim byd yn is-adran (1) sy'n gofyn am osod amod o'r fath -

(a) ar gyfer safleoedd o fewn paragraff 8(3)(a) o Atodlen 2 Deddf y Diwydiant Diogelwch Preifat 2001 (c.12) (safleoedd gyda thrwyddedau safle sy'n awdurdodi dramâu neu ffilmiau, neu

(b) ar gyfer safleoedd mewn perthynas ag-

(i) unrhyw achlysur a grybwyllir ym mharagraff 8(3)(b) neu (c) o'r Atodlen honno

(safleoedd sy'n cael eu defnyddio gan glwb sydd â thystysgrif safle clwb yn unig, dan hysbysiad digwyddiad dros dro sy'n awdurdodi dramâu neu ffilmiau, neu dan drwydded hapchwarae, neu

(ii) unrhyw achlysur o fewn paragraff 8(3)(d) o'r Atodlen honno (achlysuron a bennir gan reoliadau dan y Ddeddf honno).

(3) At ddibenion yr adran hon -

(a) mae "gweithgaredd diogelwch" yn golygu gweithgaredd y mae paragraff 2(1)(a) o'r Atodlen honno'n berthnasol ar ei gyfer, a

(b) bod paragraff 8(5) o'r Atodlen honno (dehongli cyfeiriadau at achlysur) yn berthnasol, am ei fod yn berthnasol mewn perthynas â pharagraff 8 o'r Atodlen honno.

Gorchymyn Deddf Trwyddedu 2003 (Amodau Trwyddedu Gorfodol) 2014

Yn effeithiol o 6 Ebrill 2014

1. Rhaid i berson perthnasol sicrhau na chaiff unrhyw alcohol ei werthu na'i gyflenwi i'w yfed ar y safle nac oddi arno am bris sy'n llai na'r pris a ganiateir.

2. At ddibenion yr amod a nodir ym mharagraff 1-

(a) mae "treth" i'w dehongli yn unol â Deddf Trethi ar Ddiodydd Alcoholaidd 1979(6);

(b) "y pris a ganiateir" yw'r pris a geir drwy ddefnyddio'r fformiwla –

$$P = D + (D \times V)$$

pan mai –

(i) P yw'r pris a ganiateir

(ii) D yw cyfradd y dreth sy'n daladwy mewn perthynas â'r alcohol fel pe bai'r dreth yn cael ei chodi ar ddyddiad gwerthu neu gyflenwi'r alcohol, a

(iii) V yw cyfradd y dreth ar werth sy'n daladwy mewn perthynas â'r alcohol fel pe bai'r dreth ar werth yn cael ei chodi ar ddyddiad gwerthu neu gyflenwi'r alcohol

(c) ystyr "person perthnasol", mewn perthynas â safle lle y mae trwydded safle mewn grym, yw –

(i) Deiliad y drwydded safle,

(ii) Goruchwylydd dynodedig y safle (os oes un) mewn perthynas â thrwydded o'r fath, neu

(iii) Deiliad trwydded bersonol sy'n cyflenwi alcohol o dan drwydded o'r fath neu sy'n caniatáu iddo gael ei gyflenwi;

(d) ystyr "person perthnasol", mewn perthynas â safle lle y mae tystysgrif safle clwb mewn grym, yw unrhyw un o aelodau neu swyddogion y clwb sy'n bresennol ar y safle mewn rôl sy'n galluogi'r aelod neu'r swyddog i atal y cyflenwad o dan sylw; ac

(e) ystyr “treth ar werth” yw treth ar werth sy’n daladwy yn unol â Deddf Treth ar Werth 1994(7)

3. Os nad yw’r pris a ganiateir a roddir gan Baragraff (b) o baragraff 2 (ar wahân i’r paragraff hwn) yn rhif cyfan o geiniogau, rhaid cymryd mai’r pris a roddir gan yr is-baragraff hwnnw yw’r pris a roddir mewn gwirionedd gan yr is-baragraff hwnnw wedi’i dalgrynnu i fyny i’r geiniog agosaf.
4. (1) Mae is-baragraff (2) yn gymwys os yw’r pris a ganiateir gan Baragraff (b) o baragraff 2 ar y naill ddiwrnod (“y diwrnod cyntaf”) yn wahanol i’r pris a ganiateir ar y diwrnod nesaf (“yr ail ddiwrnod”) o ganlyniad i newid i gyfradd y dreth neu’r dreth ar werth.

(2) Mae’r pris a ganiateir sy’n gymwys ar y diwrnod cyntaf yn gymwys i werthiant neu gyflenwad alcohol sy’n digwydd cyn i’r cyfnod o 14 diwrnod sy’n dechrau ar yr ail ddiwrnod ddod i ben.

Gorchymyn Deddf Trwyddedu 2003 (Amodau Trwyddedu Gorfodol) (Diwygio)
2014

Mae'r Amodau Gorfodol isod yn **disodli** Gorchymyn Deddf Trwyddedu 2003 (Amodau Trwyddedu Gorfodol) 2010 a daethant i rym ar **1 Hydref 2014**.

Mae amodau 1 i 4 yn cyfeirio at yr holl safleoedd sy'n gwerthu neu gyflenwi alcohol i'w yfed ar y safle. Mae amod 3 yn berthnasol i safleoedd sy'n gwerthu alcohol i'w yfed oddi ar y safle.

1. (1) Rhaid i'r person cyfrifol sicrhau nad yw staff ar y safle perthnasol yn ymgymryd â, yn trefnu neu'n cymryd rhan mewn unrhyw hyrwyddo anghyfrifol mewn perthynas â'r safle.

(2) Yn y paragraff hwn, mae hyrwyddo anghyfrifol yn golygu un neu fwy o'r gweithgareddau a ganlyn, neu weithgareddau sy'n sylweddol debyg, sy'n digwydd er mwyn hyrwyddo gwerthiant neu gyflenwad o alcohol i'w yfed ar y safle -

(a) gemau neu weithgareddau eraill sy'n gofyn am neu'n hybu, neu sydd wedi'u dylunio i ofyn neu i hybu unigolion i -

(i) yfed swm o alcohol o fewn cyfyngiad amser (heblaw yfed alcohol a werthwyd neu a gyflenwyd ar y safle cyn terfyn y cyfnod y mae'r unigolyn cyfrifol wedi'i awdurdodi i werthu neu gyflenwi alcohol), neu

(ii) yfed cymaint o alcohol â phosib (un ai mewn cyfyngiad amser neu fel arall);

(b) darparu swm diddiwedd neu amhenodol o alcohol am ddim neu am bris penodedig neu ar ddisgownt i'r cyhoedd neu i grŵp a gaiff ei ddiffinio gan nodwedd benodol sy'n peri risg sylweddol o danseilio amcan trwyddedu;

(c) darparu alcohol am ddim neu ar ddisgownt neu unrhyw beth arall fel gwobr i annog neu i wobrwyo prynu ac yfed alcohol dros gyfnod o 24 awr neu lai mewn modd sy'n peri risg sylweddol o danseilio amcan trwyddedu;

(d) gwerthu neu gyflenwi alcohol mewn cysylltiad â phosteri neu bamffledi ar, neu yng nghyffiniau'r safle, a ellir ei ystyried yn rhesymol fel ei fod yn caniatáu, neu'n annog neu'n cyfeirio at effeithiau meddwdod ac ymddygiad gwrthgymdeithasol mewn modd ffafriol;

(e) unigolyn yn tywallt alcohol yn uniongyrchol i geg unigolyn arall (heblaw pan fo unigolyn yn methu yfed heb gymorth oherwydd anabled).

2. Rhaid i'r unigolyn cyfrifol sicrhau fod dŵr yfed am ddim yn cael ei ddarparu ar gais i gwsmeriaid pan fod hyn ar gael yn rhesymol.

3. (1) Rhaid i ddeilydd y drwydded eiddo neu ddeilydd y dystysgrif eiddo clwb sicrhau y gweithredir polisi gwirio oed ar y safle mewn perthynas â gwerthu neu gyflenwi alcohol.

(2) Rhaid i oruchwyliwr dynodedig y safle mewn perthynas â'r drwydded eiddo sicrhau bod gwerthiant alcohol ar y safle yn digwydd yn unol â'r polisi gwirio oed.

(3) Rhaid i'r polisi fynnu bod unigolion sy'n edrych dan 18 oed i'r person cyfrifol (neu'r oed hŷn a nodir yn y polisi) ddangos ar gais, cyn cael prynu alcohol, tystiolaeth yn cynnwys eu llun, dyddiad geni a naill ai -

(a) marc holograffig, neu

(b) nodwedd uwchfioled.

4. Rhaid i'r unigolyn cyfrifol sicrhau -

(a) os caiff unrhyw un o'r diodydd alcoholig canlynol eu gwerthu neu eu cyflenwi i'w hyfed ar y safle (heblaw am ddiodydd alcohol sy'n cael eu gwerthu neu eu cyflenwi ar ôl eu gwneud yn barod i'w gwerthu mewn cynhwysydd wedi'i gau'n ddiogel), bydd yr alcohol ar werth i gwsmeriaid yn y mesurau a ganlyn -

(i) cwrw neu seidr: ½ pint;

(ii) jin, rym, fodca neu wisgi: 25 ml neu 35 ml; a

(iii) gwin llonydd mewn gwydryn: 125 ml;

(b) caiff y mesurau hyn eu dangos mewn bwydlen, ar restr brisiau neu ddeunydd printiedig arall sydd ar gael i gwsmeriaid ar y safle; a

(c) lle nad yw cwsmer, mewn perthynas â gwerthiant alcohol, yn manylu ar y swm o alcohol i'w werthu, bydd y gwerthwr yn hysbysu'r cwsmer fod y mesurau hyn ar gael.

Atodiad 2 – Amodau sy'n gyson â'r rhaglen weithredu

CYFFREDINOL

Dyma'r hen siop sglodion ar Stryd y Bont, ac mae'n cynnwys prif ardal fwyta yn y ffrynt a chegin yn y cefn. Mae'r brif fynedfa oddi ar Stryd y Bont ac mae allanfa dân ar Stryd Powell. Mae ffenestr ffrynt fawr yn golygu bod modd gweld yn glir.

ER MWYN HYRWYDDO POB UN O'R PEDWAR AMCAN TRWYDDEDU BYDDWN:

Yn cadw rheolaeth gadarn ac yn rhoi hyfforddiant effeithiol i'n holl staff fel eu bod yn ymwybodol o'r drwydded safle a'r gofynion, er mwyn bodloni pob un o'r pedwar amcan trwyddedu, gan roi sylw arbennig i'r canlynol:

- a) dim gwerthu alcohol i rai dan oed
- b) dim ymddygiad meddw ac afreolus ar y safle
- c) bod yn wylidwrus i atal defnyddio a gwerthu cyffuriau anghyfreithlon
- d) dim ymddygiad treisgar a gwrthgymdeithasol
- e) dim niwed i blant

Rhaglen Weithredu sy'n darparu oriau gweithredu a gweithgareddau trwyddedadwy yn ystod yr oriau hynny.

Goruchwyliwr Safle Dynodedig yn rheoli'r safle o ddydd i ddydd, yn rhoi hyfforddiant da i'r staff ar y Ddeddf Trwyddedu (Cofnod Hyfforddiant).

Gwybodaeth 'Challenge 25' glir i atal cyflenwi alcohol i rai dan oed.

System CCTV wedi'i gosod ac opsiwn recordio ar gael.

B) ATAL TROSEDDAU AC ANHREFN

System CCTV wedi'i gosod i fonitro mynedfeydd, allanfeydd, a rhannau eraill o'r safle er mwyn bodloni'r amcan atal troseddau.

Hysbysiad clir a darllenadwy y tu allan i'r safle'n nodi'r oriau arferol dan delerau'r drwydded safle pan ganiateir gweithgareddau trwyddedadwy. Arddangosir hysbysiaid clir ac amlwg yn rhybuddio am droseddau posib, megis lladrata oddi ar gwsmeriaid.

Dim gwerthu alcohol i gwsmeriaid meddw.

Bod yn wylidwrus i atal defnydd o gyffuriau anghyfreithlon.

Hyfforddir staff yn dda i ofyn i gwsmeriaid ddefnyddio'r safle mewn ffordd drefnus a pharchus.

C) DIOGELWCH CYHOEDDUS

Gosodwyd goleuadau mewnol ac allanol i hyrwyddo'r amcan diogelwch cyhoeddus. Mae staff sydd wedi'u hyfforddi'n dda yn cadw at y gofynion o ran iechyd yr amgylchedd. Darperir hyfforddiant a gweithredir system o wirio ID i atal yfed dan oed. Cedwir llyfr log neu system gofnodi ar y safle a fydd yn cynnwys manylion archwiliadau a gynhelir; y rhai sy'n statudol ofynnol, yn ogystal â gwybodaeth a gesglir i gydymffurfio ag unrhyw amod diogelwch cyhoeddus sy'n rhan o'r drwydded safle, sy'n gofyn am gofnodi gwybodaeth o'r fath. Bydd y llyfr log ar gael i'w archwilio fel bo angen gan rai sydd wedi'u hawdurdodi dan Ddeddf Trwyddedu 2003 neu ddeddfwriaeth gysylltiedig.

Bydd holl rannau'r safle, a'r holl ffitiadau a chyfarpar sydd ynddo – dyfeisiau cau drysau a hysbysiadau, goleuadau, gwresogi, trydanol, system awyru, cyfleusterau glendid, a gosodiadau eraill, yn cael eu cadw mewn cyflwr da a diogel bob amser.

D) ATAL NIWSANS CYHOEDDUS

Gosodir hysbysiadau amlwg, clir a darllenadwy ger yr allanfa'n gofyn i'r cyhoedd barchu anghenion y trigolion cyfagos a gadael y safle a'r ardal yn dawel.

Bydd y nwyddau sydd eu hangen i weithredu'r busnes yn cael eu dosbarthu i'r safle ar adeg neu mewn ffordd sy'n osgoi achosi niwsans ac amharu ar drigolion cyfagos.

Gofynnir i gwsmeriaid beidio â loetran a siarad yn uchel ar y stryd y tu allan i'r safle.

Ni chaniateir mynediad i gwsmeriaid i'r safle y tu allan i oriau agor.

Bydd y biniau a'r sbwriel y tu allan i'r safle'n cael eu symud cyn lleied â phosib ar ôl 11.00pm. Bydd hyn yn helpu i ostwng lefelau'r sŵn sy'n dod o'r safle. Bydd unrhyw oleuadau, mewnol ac allanol, yn cael eu gosod a'u sgrinio mewn ffordd sy'n osgoi amharu ar drigolion cyfagos.

Darperir biniau sbwriel digonol at ddefnydd cwsmeriaid yn yr ardal gyfagos.

E) AMDDIFFYN PLANT RHAG NIWED

Gofynnir i unrhyw un sy'n edrych dan 25 oed am ddogfen adnabod dderbyniol (cerdyn gyda'r logo PASS, trwydded yrru gyda llun neu basbort) os ydyn nhw am brynu alcohol. Bydd y staff wedi'u hyfforddi'n dda i nodi oedran ac ati. Cedwir Llyfr Log ar y safle bob amser.

Atodiad 3 – Amodau yn atodedig yn sgil gwrandawriad gan yr awdurdod trwyddedu/cyfarfod cyfryngu


24^{ain} Ionawr 2019 – Cynhaliwyd cyfarfod cyfryngu yn 40 Stryd y Bont Aberystwyth gydag L. Bradshaw, Swyddog Trwyddedu'r Heddlu a'r Ymgeisydd – Glyn Edwards – cytunwyd ar yr amod canlynol:

**System CCTV i'w gosod a bydd yn cwrdd â gofynion Heddlu Dyfed Powys mewn perthynas â delweddau lliw, cadw delweddau ac ati.
Tynnwyd y sylwadau yn ôl.**

Cynllun

40 Bridge Street Aberystwyth

Heol-y-Bont



legend

- Restaurant
- Boundary

Powell Street